

## **A ESSIRI CCHIÙ LESTA N'AUTRA OTA**

*Mi suonnu certi notti a me vanedda  
e nta l'auricchi mi tornanu i vuci  
ra me genti: "Sabbenerica, marnà" ...  
"Salutamu a Voscenza!" ...  
"Cu si viri, u zzu Tanu?  
Trasissi... appiacissi" ...  
E nta ucca m'acchiananu i sapura  
rì ddi tempi  
e sientu ciaru rì pani sfumatu  
e ddi vastedda.  
Taliu lu giacatu. È sempri chiddu  
Cu i stessi ncagghi e fuòssira.  
E quantu oti iu cci-atruppicai!  
E ppui.. .dda vavaredda  
Ca mai arriniscii r'acchiappari  
mi fa l'abballu propiu avant'all'uocchi.  
E mentri pienzu rì stenniri a manu...  
Già sugnu sbigghia.  
A essiri cchiu lesta n'autra ota!*

**GRAZIELLA DI SALVO BARBERA**